

Saksprotokoll i fylkesutvalet - 01.02.2018

Ved ein inkurie står det «Bergen-Os Bompengeselskap AS» i forslag til vedtak. Saka gjeld Askøy bompengeselskap AS. Namnet på bompengeselskapet i vedtaket punkt 1 vert difor administrativt retta opp i samsvar med dette.

Roald Stenseide, Frp, stilte spørsmål om han var inhabil fordi han er styremedlem i Askøy bompengeselskap AS. Kari Sørensen Bernardini, A, stilte spørsmål om ho var inhabil fordi ho er styreleiar i same selskap. Stenseide og Bernardini gjekk frå under vurderinga av spørsmålet om dei var inhabile. Fylkesutvalet vedtok samrøystes at Stenseide og Bernardini var inhabile etter forvaltningslova § 6, 1. ledd e).

Stenseide og Bernardini gjekk frå under behandlinga av saka. Det var 13 representantar til stades.

Røysting

Fylkesrådmannen sitt forslag vart samrøystes vedteke.

Vedtak

1. Tilbod frå Ferde AS om kjøp av fylkeskommunen sine aksjar i Askøy bompengeselskap AS vert godtatt og salet av aksjane kan verte gjennomført.
2. Fylkesrådmannen får fullmakt til å signere avtalen.